

# Tsandzemèn fonéteucco



Sertèin-e paolle l'an de tsandzemèn fonéteucco can se trouon douàn eungn'atra paolla que comenche pe vouayella. L'è lo cas, pe ezeumplu, de l'articlu eundéfinì *eun, eunna/an*.

Ex. : <i>Eun garsón</i>	<i>eungn ommo</i>
<i>Eun dzor</i>	<i>eungn atro dzor</i>
<i>Eunna/an pesse</i>	<i>eungn'aveuille</i> (Aymavilles)

Si tsandzemèn se prodouèi étó can *eun* l'a fonchón de prépozichón.

Ex. : <i>Eun Doue</i>
<i>Eungn Allèn</i>

Si fénomène se vérifiye euncó pe le-z-ajétif numéral cardinal : *onze - doze - trèze - catorze - quénze - sèze*. La consonna z l'è ramplachaye pe la consonna *j* se djeusto aprì chouì *an* é *oya*.

Ex. : <i>Onj'an</i>
<i>Doj'oye</i>

Differentamente eun di *doze-z-où* (Verrayes)

La consonna finala de sertèin-e paolle (*trop - tot - tcheut - melet - etc.*) o de caque forme verbale (*y é - y at - i vèndret - de vouit - etc.*) l'è pa prononchaye can la paolla se trouve a l'euntérieue d'eunna fraze.

Ex. : <i>Mè, d'é to medzé</i>
<i>Mè, d'é medzé tot</i> (Verrayes)

Mi, se a l'euntérieue d'an fraze, seutte paolle son chouivie pe eungn'atra paolla que comenche pe vouayella, la consonna finala pou itre prononchaye.

Ex. : <i>Mè n'é tot ai pè gneun</i>
-------------------------------------